

Svona geri ég í leikskólanum

eftir Margréti Björgu Jónsdóttur

Svona geri ég í leikskólanum

Bók þessi er 10 eininga lokaverkefni til B.Ed-prófs við Kennaradeild, Menntavísindasviði Háskóla Íslands.

© 2015 Margrét Björg Jónsdóttir

Bókina má ekki afrita nema með leyfi höfundar

Prentun: Bóksala kennaranema

Reykjavík, Ísland 2015.

Þetta eru Nonni og Kara, þau eru þriggja ára gömul.
Nonni og Kara fara í **leikskólann** á hverjum degi á
meðan mamma þeirra og pabbi eru í vinnunni.



Morgunmatur



Morgunmatur

Nonni fær sér morgunmat í leikskólanum. „Má ég fá hafragraut?” spyr Nonni kennarann sinn.

„Já, gjörðu svo vel, hér er **skál** og skeið” segir kennarinn.

„Ég vil ekki gera sjálfur, vilt þú setja graut í skálina?” segir Nonni og kennarinn gerir eins og Nonni biður.

Nonni fær sér rúsínur út á grautinn. Honum þykja rúsinur góðar.

Nonni klárar allann grautinn sinn og gengur svo frá skálinni á vagninn.

Leikur

Nonna finnst gaman í leikskólanum því þar fær hann að **leika** við vini sína.

Nonna finnst skemmtilegt að leika með **kubba**.

„Ari, viltu koma í kubbaleik?” spyr Nonni.

„Já, eigum við að byggja hús” spyr Ari.

Nonni og Ari vinur hans byggja hús úr kubbunum.

Leikur



Leikur



Leikur

Þegar Nonni og Ari hætta að leika með kubbana
ganga þeir frá kubbunum aftur í cassann.

Hádegismatur

„Það er að koma hádegismatur” segir kennarinn. Í leikskólanum skiptast börnin á að vera **þjónn**. Þjónninn leggur **disk**, **glas** og hnífapör á borðið fyrir hvert barn.

Í dag er Kara **þjónn** og fær að leggja á borð og sækja matinn í eldhúsið.

Hádegismatur



Hádegismatur



Hádegismatur

„Kara, hér eru diskar, byrjaðu á því að leggja þá á borðið” segir kennarinn.


Kara tekur einn **disk** í einu og leggur á borðið. Henni finnst gaman að vera þjónn.

Hádegismatur

Kara setur líka **glas** við hvern disk. „Kara” kallar kennarinn „ætlar þú nokkuð að gleyma að setja hnífa og gaffla á borðið?”

„Nei ég má ekki gleyma því” segir Kara og setur hnífa og gaffla hjá öllum diskunum.

Hádegismatur



Hádegismatur



Hádegismatur

Í dag er pizza og kartöflur í matinn. Börnunum þykir pizza góð. Kara og kennarinn hennar fara saman í eldhúsið að sækja matinn. „Góðan daginn” segir Kara við fólkið í eldhúsinu. „Góðan daginn Kara, maturinn er tilbúinn á vagninum, verði ykkur að góðu” segir kokkurinn.

Hádegismatur

Þegar Kara hefur aðstoðað kennarann við að leggja matinn á borðið getur hún boðið öllum að fá sér sæti við matarborðið.

Öll börnin fá **smekk** svo maturinn fari ekki í fötin þeirra.

Hádegismatur



Hádegismatur



Hádegismatur

„Má bjóða ykkur pizzu og kartöflur?” spyr kennarinn börnin. „Já!” hrópa þau öll í kór. Kennarinn aðstoðar börnin við að setja pizzu á diskinn.

„Í dag fáum við vatn að drekka. Hver vill fá vatn?” segir kennarinn. Börnin vilja öll fá **vatn** að drekka með matnum. Kennarinn hellir vatni í glösin.

Börnin eru dugleg og borða allann matinn sinn.

Hádegismatur

Eftir matinn ganga börnin frá eftir sig. Þau setja diskinn sinn, glasið sitt og hnífapörin á **vagninn** og þakka svo fyrir matinn.

Hádegismatur



Hvíld



Hvíld

Eftir hádegismat er komið að hvíld. „Hér eru körfurnar ykkar” segir kennarinn. Börnin finna körfurnar sínar og hátta sig. Þau fara úr **peysunni** sinni og **buxunum** sínum og setja fötin í körfuna sína.

Hvíld

Kennarinn setur dýnur á gólfíð. Svo setur kennarinn **kodda** og **teppi** á dýnurnar fyrir börnin. „Nonni, hér er koddinn þinn og teppið, þú mátt leggjast” segir kennarinn og Nonni leggst á koddann. „Viltu breiða yfir mig?” spyr Nonni kennarann. „Já auðvitað vil ég breiða yfir þig Nonni minn. Gjörðu svo vel”.

Hvíld



Hvíld



Hvíld

Börnin leggjast öll á sinn kodda og kennarinn breiðir yfir þau.

Kennarinn setur rólega tónlist í útvarpið sem börnin hlusta á í hvíldinni. Börnunum líður vel og eru fljót að sofna.

Fataklefinn

Nonna langar að fara út að leika við vini sína. „Ég vil fara út að leika” segir Nonni. Kennarinn fer inn í fataklefa með Nonna, Ara og Birtu. „Við skulum athuga hvernig veðrið er úti” segir kennarinn. Þau byrja á því að fara að glugganum til að athuga hvernig veðrið er. „Það er snjór úti” segir Nonni. „Vitið þið í hvaða útifötum er best að vera í þegar það er snjór úti?” spyr kennarinn börnin. „Já, kuldagalla” segir Birta kát yfir því að fá að fara út að leika í snjónum.

Fataklefinn



Fataklefinn



Fataklefinn

„Já það er alveg rétt hjá þér Birta. Við skulum finna kuldagallana ykkar” segir kennarinn og hann aðstoðar börnin við að finna útifötin.

Börnin þurfa að klæða sig í **kuldagalla**.

Nonni klæðir sig í **kuldagalla**. Hann er duglegur að klæða sig sjálfur.

Fataklefinn

„Þið þurfið eitthvað meira en bara kuldagalla, er það ekki?” segir kennarinn við börnin. „Jú við verðum að vera með húfu og vettlinga” segir Nonni.

Börnin setja á sig **húfu** og **vettlinga**.

„En þurfum við ekki eitthvað á fæturnar? Við getum ekki farið út í snjóinn á sokkunum” segir kennarinn og brosir. „Ég ætla í kuldaskó” segir Nonni.

Fataklefinn



Útivera



Útivera

Ari og Kara fara líka í hlý föt. Núna eru þau tilbúin til að fara út að leika sér í snjónum.

Börnunum finnst gaman að leika sér í snjónum.

Útivera

„Ég vil fara að róla” segir Kara og hleypur að rólunum. María vill líka róla og kennarinn hjálpar þeim að setjast í róluna. Þeim finnst gaman að róla saman.

Útivera

